



Aprèl 8, 2024
Tapvainak Tusagatsak

Mikijuguvalliajut ulugianattunik ilingatillugu utsumut sukkutaunik napvâtaujuunit timmiat manninginnik 2022- mi: Kanuittailinnik kanatakkut

Nunatsiavut SuliaKapvinga Nunaligijet Nunammiutanillu Pivianattuligijet pijugivut uKagunnagiamik nutângutitaujuunik Kanuittailinnimik ulugianattunik isumangagut Kanuittailinnimi kanatakkunut nigijauKattatunik timmiap manninginnik amma pitaKanningit utsuit sukkugutunik nuitatitsijut pukkinitsait Kanuittailinnik ulugianattunut mannet nuatautillugit 2022-mi, piluattumilli KipukKami, atjigijaungitillugit jâriulauttunik.

Kaujjaumajut nuitsilauttut ilonnâgut pukkinitsait kititanginnik utsuit ilingajunut sukkugutet 2022-mi, Nainimi KipukKamillu, sakKititaugesimalauttuit tusagatsatigut amma nunalet katimatillugit aujaulauttumi. Taimaigaluattilugu, Kanuittailinnik ulugianattunut isumangagut pigiaKajuKalauttuk suligillugit angijumik ikullaumisimajut uKausitigut manniusimannimik. Nutât puttunippât takKitamât nigijauKattalauttut sakKititaujut Kanuittailinnik ulugianattunut isumangagut takutsaugunnatut allasimajuni atâni.

Malijautillugit utsualunnik kuvitsuatuKaniattilugu 3,000 letanik Kaipokop kangitluani saniani KipukKaup 2020-mi, Nunatsiavut kavamakkut, ikajuttigennikut Avatiligijet Silaullu Asianguninganik kanatami, Kaujisagiasilauttuit utsuit sukkugutunik pitaKammangâta akunitsanik, akuniunitsanillu sukkuijuKagajattuni. Kaujjaumajut Kaujisautitigut nuitsilaummijut puttunitsait utsuit akulligejunik KipukKami atjigijaungitillugit Nainimi, amma puttunitsautillugit tamâgenni nunaliujonni 2021-imut. Tâkkua Kaujjaugiasilauttuit katitsuinimmi Kaujigatsaulilauttuk amma Kinugattautluni Kanuittailinnimi kanatakkunut KimigguKullugit sivunittini Kanuittailinnimi attutauniuKattatut, Kaujjausimatillugit tâtsuminga Julai 2023-mi.

Nunatsiavut kavamakkut kajusivuk tukisiguasugiamik sukkuininginnik utsuit kuvitsuatuKaniammat Kaipokop kangitluani, ammalu tukisigiaguallugit utsuit sukkugutunik Nunatsiavummiuluak. Kimiggugasuannitini 2023-mi ilautillugit angijuguttitauninginnik timmiat manninginnik amma iKalunik nuataulauttuit ilonnait nunalinnut amma pigianningani nuatsinik kavisilet, uviluit, ikKamiutait imannilu. Angijumik Kaujjaumajut pigunnaniKalâttut sollu tigujuauKattanginnamata.

Kaujjiagallagumaguvit, Kaujisagit:

Frédéric Dwyer-Samuel-imut
Avatiligininimmut KaujisaKatigeKagiamut AngajukKâk
Nunatsiavut kavamanga
(709) 922-2380 #227

Unikkausiliuttinut fonnitausok:

Nunatsiavut kavamangani Kaujimautisongunnik
communications@nunatsiavut.com
709-896-8582

Ununnigijangit TakKitamât NigijauKattatut nalautsâtautlugit Kanuittailinnik kanatakkunut, pitjutigillugit 2022-minit mannet
PikKujaukKujait KipukKamut

Naujak		Mitik		Pitsiulâk	
Suguset jârilet 1-iminit 4-ramunut	Inummaget 18-anik jârilet jârikKutunitsailu	Suguset jârilet 1-iminit 4-ramunut	Inummaget 18-anik jârilet jârikKutunitsailu	Suguset jârilet 1-iminit 4-ramunut	Inummaget 18-anik jârilet jârikKutunitsailu
243 mannet/takKimi	1,135 mannet/takKimi	15 mannet/takKimi	69 mannet/takKimi	545 mannet/takKimi*	2,544 mannet/takKimi

*Tâkkua piusigijaukKujait pitjutigillugu inosiuKattatuni nâmmatillugit kititangit

PiusigijaukKujait Nainimut

Pitsiulâk		Pitsiulâk		Pitsiulâk	
Suguset jârilet 1-aminit 4-ramunut	Inummaget 18-anik jârilet jârikKutunitsailu	Suguset jârilet 1-aminit 4-ramunut	Inummaget 18-anik jârilet jârikKutunitsailu	Suguset jârilet 1-aminit 4-ramunut	Inummaget 18-anik jârilet jârikKutunitsailu
17 mannet/takKimi	79 mannet/takKimi	11 mannet/takKimi	50 mannet/takKimi	17 mannet/takKimi	79 mannet/takKimi

Suna tugâgutiuvâ mitsânut MMI?

Unuttunik TakKitamât NigijauKattatut ikKanattut nungotsitailinnigiKattajangit amma kiggatotitlugit nâmmatunig nigijaugajattunik puttusigianiangimata ulugianattumut cancer-rittânimmut, nigijautuammata inosilimânni. Tâkkua pitaKanningit pitâtitsiniangilat ungatânut 1-imut iluani 100,000 cancer-rittâninginnik nigijautuappata takKitamât inosilimânni (ottotigillugu 70-nik jârini).

SujuKagajakKâ mannitutuaguma atausituinnaungittumi timmianik?

kititangit mannet timialimânik katitsutaugialet Katsiumangâta takKitamât nigilauttatunig, isumagillugit timmiat MMI. Ottotigillugu, sugusik Nainimi nigituappat apvanganig MMI naujaup manninginnik amma apvagiallamik mitiup manninginnik, nâmmasigajattuk Unuttunik TakKitamât NigijauKattatut.

SugajakKingâ nigiluattuviniuguma ungatânut MMI-mi tapvani jârimi, upvalu jârulauttumi?

MMI kitijauKattatut akunningani inosiup nigilukanninik, amma atausiattumik nigiluattuKanginigâttajumik attuiniKaniagani. Kangaulimmat nigijausonguKattatut nalautsâlugit MMI isumagijauvut pitaKanginitsait ulugianattunig amma taimaimmat isumâlotigijaulungilat. Ammalugiallak, ikKanattovut isumagillugit niKituinnait angijumik inositsiagittovut, tâkkua nukKaumitillugit nigijauningit piujolunginivut.

Summat MMI-net tigujaumavut 2022-mut Kaujisautinit?

2022-mi Kaninnipauligivuk jârimi Kaujisautet atujausongugilaugivut âjautlutik Kanuittailinnikut kanatakkunut. Kaujisautet pijagesimalippata sakKititulutillu 2023-mi, Nunatsiavut kavamanga sukkajumik pivitsaKattisilâligivut Kanuittaililigijet pitsatuniliujuit Kaujisagiallutik tamatsuminga uKâlautiKaniailillutik nutângutitausimajuit Kaujisautinik.